

QVÆSTIO MEDICA

QVODLIBETARIIS DISPVATIONIBVS,

MANE DISCVTIENDA

IN SCHOLIS MEDICORVM

die Iovis 31. Decembris,

M. MARTINO AKAKIA,

DOCTORE MEDICO, PRÆSIDE.

*An incunte febre continuâ, unâ sævo dolore ventris, opij usus
phlebotomia præferendus.*

I.

FEBRIS-nativi caloris morbus est, qui è blando & miti in igneum conversus, primùm in corde accenditur; mox in univèrsum corpus effusus, partium omnium actiones, paucorum dierum curriculo corrumpit. Calor is si plures persistat dies, nec ullis intervallis distinguatur, continuam parit, mitiorem, gravio rem pro succorum varietate, qui in venis effervescentes, varium toto corpore commovent incendium. Sanguis à molli tempore longè levissimum calorem exsuscitat; si putrescat paulo acriorem accendit: pituita non acris admodum, sed fumosus & halituosus tangenti primùm occurrit, postea mordacior apparet: melancholici succi exardescit magis. biliosus humor acerrimo calore insignis est. Omnem illum calorem nemo medicus artis consultus neglectis contemptisque principibus remediis, solis alterantibus neglegere tentaverit, sordentibus per initia morbi visceribus nutritiis. Sed imitabitur naturæ modum, quæ nunquam die critico, quo tempore corpus dolere, aestuare, uri

maximè videri potest, multâ sanguinis & venis narium, sedis, uteri effusione, incendij fomitem fœliciter abscindit.

I I.

VBI primum lacessere febris incipit, quandoque nullis, quandoque gravioribus symptomatis est comitata; puta vomitu, animi deliquio, capitis artuumve dolore, ventris sæpissime, eoque peracerbo, mezenterium quippe quasi sentina totius corporis, venis & arteriis, quibus innumeris contextum est, meantium & remeantium succorum illuviem omnem excipit; hinc sæpe causa doloris, quando humores ibi delitescentes, accedente febris ardore commoti, ad vicinas membranas pelluntur; plerumque incandescente viscerum, aliarumve partium sanguine inflammatio sensioque magna exoritur. vel bilis & serum in venis innatâ mobilitate, fervorêque febris agitata multo impetu ad intestina ruunt; quorum cæcis vasorum anfractibus clausa, dum tunicas eorum, vel copiâ distendunt, vel acrimoniâ mordent, immanes dolores exsuscitant. hos solo stuporem inducente medicamento mitigare religio est. ne eò defixi humores postea caput efferant, ægrumque jactent vehementiùs, & fusi attenuatiquè, quemadmodum fieri amat in colicis affectibus, dorsi dolores committant, aut paralysem generent, vel ad articulos transmissi, arthritidem.

I I I.

PAPAVERVM lachryma liquôrve gummeus, vulnere aut spontè è capitibus eorum exudans, opium est. Meconium, succus è rotâ plantâ expressus. Illud rarius, & officinis ignotum ferè; hoc usitatum magis. utrûmque quibusdam diversarum partium, calidum & frigidum. mansum enim os urit, mentem percellit, turbulenta parit insomnia, marrem, & venerem accendit, stuporem & interitum accersit. Inde cum ex contrariis ac repugnantibus inter se naturæ viribus conflatum videatur, anceps medicamentum est, infidum, fallax, quod & verabitur semper, & retinebitur. Superat tamen in illo calor, & in ardore summo, ac intolerabili cruciari, neglectis potioribus auxiliis, solum exhi-

3

bere periculi plenum existit. auget quippe præfervidam viscerum intemperiem, vitiosos humores doloris parentes coercet; & ut eum minuat, curatu tamen difficilem affectum reddit; partes siquidem omnes ad sensum & motum torpidiores factas, excrementis, quæ excutere nequeunt, tandem opprimit, vel reiectis ad ipsa præcordia saniosis & dolorificis humoribus, non leve periculum principibus partibus ingenerat.

I V.

FEBRIS continuæ curatio, ut & doloris sedatio, egregiè sanguinis missione perficitur. Cædendæ præcipuè eæ venæ sunt, quæ amplæ & expeditæ, non procul remotæ ab illis partibus quæ dolore afficiuntur, ut ijs calore febrili æstuantibus, promptissimè refrigerij plurimum accedat, humoris dolorem efficientis multum evacuetur, unaqueque pendentibus inde variis symptomatis strenuè succurratur. Vnde si quæ subest visceribus nutritiis inflammatio, facile extinguitur, fervor ebullientis sanguinis mitigatur, ab educto multo sanguine, toto corpore non leviter refrigerato, nullo etiam suppressionis metu serosi biliofi-que humoris, qui aluinæ regionis partibus negotium facit, nulloque refluxus periculo, qui imminet à remediis narcoticis. Concitatam enim fluxionem arcet, & revellit; humorum acrimoniam temperat, & delinit, dolorem mulcet, fomitumque & lares ipsius exhaurit. ejus in febribus administratio nunquam in tempestua, nequaquam molesta. nimirum in unâ venæ sectione, tot insunt virtutes, medicamento narcotico denegatæ. Nullum enim sedando dolori præsidium memorari potest præsentius, seu refrigerare volueris, seu materiam doloris rescindere, si ad animi deliquium usque perseveret.

V.

HINC longè securior est omni narcotico medicamento, ineunte cum febre dolore, phlebotomiæ ratio. quæ etsi vilissima videri queat, & vulgo notissima; in eâ tamen summa medicinæ vis atque dignitas elucescit: ut quæ multorum auxiliorum loco, cum morbo pugnet, vitiosos humores revellat, eva-

cuer, adeo ut quæ corpus nostrum regit facultas ea oneris parte levata, doloris si quæ superest materiam faciliè queat emendare. adulantium medicorum, & auram popularem captantium panacæa est meconium; quod plerumque nullo indicationum ductu, neque accuratè perspectâ ejusdem vi peruciosâ usurpatur: ut solent ij, qui in ipso febrilis exacerbationis principio, tussis sedandæ causâ id exhibent; cujus tunc temporis eventus foelix, cum ad miraculum sapere vult fortunæ temeritas. venenum est; tantâ siquidem pernicitate vitalia corripit, ut dissecto eorum, qui opio potionati sunt corpore, cordi adhæsisse compertum sit. Certè opij injuriâ multi lugent, plures iniquâ vivendi conditione, oculorum, aurium, memoriæ, mentis denique usu destituti, miseram vitam ducunt. pueris, senibus aut quo quo modo debilitatis exhiberi sine scelere non potest; quòd naturalis vitalisque spiritus pestifero narcoticorum medicamentorum afflatu extinguitur; quò fit ut spirituum vigore privata natura exuatur quilibet moliendi potestate, corpusque effectum febris dolorisve materiam nequeat evincere.

*Non ergo incunte febre continuâ, unâ sævo dolore ventris,
opij usus phlebotomiæ præferendus.*

DOMINI DOCTORES DISPVTATVRI.

M. Carolus de Laval.
M. Dionysius Dodart.
M. Dionysius Puyton.

M. Io. Baptista de Revelois.
M. Fabianus Perreau.
M. Edmundus Charrier.

M. Guillelmus Petit.
M. Rolandus Merlet.
M. Stephanus le Gagneur.

Proponebat Lutetiz MATTHÆVS THVILLIER, Ambianus,
A. R. S. H. M. DC. LXV.